



浙

山右蹟記卷四



寧波府附郭

仁和杭大宗世駿輯



府山 (成化四明郡志) 在府堂後假鄞山為名父老相傳宋郡守胡榘取五方土積成此山以鎮郡城

鎮明嶺 (在郡治南一里三十步高五丈乃郡之案山也宋天禧中李夷庚為守精地理之學以土增高數丈後稍平焉)

學河 (舊浙江通志) 在府治西北百步四周學宮

學池 (在學宮西)

昌黎泉 (鄞縣志) 在縣治南二里南倉基內紹興間郡守韓仲通建亭其上故名

鄞縣城外山川

四明山 (丹山洞天圖咏集) 在東海上山有四穴通光尋天宇澄霽望之一如戶牖土人名之曰石牕故山以名木元虛云天下洞天三十有六四明第九其號

寧波

曰丹山赤水是也按山周三百八十里常有雲氣覆冒于中凡二十里不絕名曰通雲南曰雲南北曰雲北山隴行三十里有峰曰雲根石屋有瀑布如懸河旁曰潺湲洞後漢劉綱為上虞令棄官同妻樊雲翹居洞側得仙術上昇後人立祠奉祀有榭曰樊榭梁隱者孔祐仍居之有鹿中箭來投祐為牧養愈而去故祠側建鹿亭山之木曰青樨其實味甘而不可猝破山之獸曰鞠侯唐咸通中謝道塵隱此陸龜蒙皮日休往還各賦詩九首舊浙江通志縣西南百五十里由天台山發脉向東北一百三十里湧為二百八十峰中有三十六峰周回八百餘里綿亘鄞奉化慈谿及紹興之餘姚上虞嵊台之寧海諸境上有方石四面如窻中通日月星宿之光故曰四明山為餘姚所轄東七十峰狀如鷲浪郭璞言後五百年當立州治至開元置明州遠符其言山西連蒼起峰狀如奔牛曰奔牛山中有三朵峰昂足以立漢張平子居焉其支山為杖錫為石棲為松巖為雷峰為大雷為雞籠為峰大棲為峒山為鼈山為西山龍山嘉靖寧波府志在縣東三十里與定海陳山界狀如遊龍故名四明山發

脉迤邐自南而東北至此

鹿山鄞縣志距城三十里名勝志相傳昔有鮑郎射鹿于此及視之乃石也因名

陽堂山延祐四明志俗曰青山縣東四十九里四面懸絕下有鮑郎廟

鄞山一在縣東三十里按十道四蕃志云海人持貨貿易于此故名鄞縣在鄞山之陰乃加邑為鄞

同谷山咸化四明郡志在縣東四十五里嶺峯崔嵬融結靈秀玉几左肱太白右腋大涵靈峰居其前後

阿育王山阿育王山志山去府治四十里其源始于天台以太白山為近祖有涌現巖乃塔涌之所西晉太康間有劉薩訶者神人指示云會稽有阿育王寶塔汝往頂禮于是薩訶精誠敬禮至于鄞山忽一夜寶塔從地涌出舍利騰輝阿育王造八萬四千塔此其一也

大涵山咸化四明郡志在縣東三十五里瀕水而秀天霽風晴則水光山色上

下相映

西亭山 (嘉靖寧波府志) 在縣東三十里層巒聳秀下瞰深淵人擬赤壁之勝並山而居者多高錢二姓又名高錢山

青山 (

在西亭山南三里許峰巒疊翠春時懸紅粉白如圖画

白石山 (鄞縣志) 距城四十里(名勝志)玲瓏峭拔上有神仙石棋枰一名大石海舶見者以為光怪

筲箕山 (鄞縣志) 距城五十里(名勝志)山即小白嶺元朝請大夫盧元因賦太白之勝結廬居焉

躡跨山 (成化四明郡志) 在縣東五十五里瀑布懸崖上有鬼谷先生祠

太白山 (延祐四明志) 在縣東六十里視諸山為最高巔有龍池早暎必禱焉或曰山以太白星得名又曰近有小白嶺故此為大白非太白也

玉几山 (

在阿育王山前自寺視之橫陳如几

天童山 (天童寺志) 在縣東六十五里晉末康中僧義興結廬感太白星為童子

給侍政名有佛跡石玲瓏巖龍隱潭諸勝

杖錫山 (

成化四明郡志) 在縣西南一百二十里前有七峰上有四明山心四漢

隸字唐僧紀飛錫至此故名

梨花山 (

月波山 百步尖山 (延祐四明志) 皆在東錢湖

亶洲山 (

太平寰宇記) 在縣東北近海岸

動石山 (

山有堅石高五六丈下有小石支之暴風雨則其石自動

行于山者聞隆作聲

靈山 (

郡國志云山有石鼓臨澗若鳴則野雉翔鳴故曰靈山

五臺山 (

輿地紀勝) 在鄞縣上有開元寺內有六子院

佛隴山 (

嘉靖寧波府志) 在天童山西南二里

隱學山 (

延祐四明志) 在東錢湖其下有拙真寺放生池徐偃王隱學于此

陶公山 (

名勝志) 在縣東南四十五里東錢湖中世傳陶朱公常隱于此有釣魚

磯在焉

它山 (舊浙江通志) 在縣南五十里 (四明它山水利條覽) 大溪之南流皆下其北
山相接故
謂它山

大梅山 (霏雪錄) 在縣東南七十里梅子真隱處石洞仙井丹竈藥壚猶存鄞縣
志) 山有獨秀峰其支隴延結為象峰下有保慶寺

五峰山 (嘉靖寧波府志) 在縣東南四十五里

金城山 (輿地紀勝) 在縣南八十里州之控山也 (鄞縣志) 其山自道陳嶺分界東
屬於鄞西屬奉化

厲山 (延祐四明志) 在縣南三十五里

姜山 () 在縣南八十里平原崛起有石洞三具一最大曰後巖中可

坐數十人洞後又有一小洞上有小穴形圓如月可仰窺天里人祠神像于巖
中

茆山 () 在縣南五十里與姜山對峙 (名勝志) 上有一井以竿測之其

深無底

塔嶺山 (嘉靖寧波府志) 在縣南四十里蒼翠峭立四面環列二十三峰

錫山 (延祐四明志) 在縣西南五十里常產錫故名

建泉山 (鄞縣志) 距城五十里 (名勝志) 峰巒十五矗立于前狀如列戟鬱然深秀

下有寶巖寺

清秀山 () 距城六十里上有三十六峰清奇秀麗故名

銀山 (延祐四明志) 在縣西南五十里常產銀故名

天井山 (四明龍蒼) 在縣西南七十里有五井一巖突然而出者下嵌百仞之淵

地僅容側足緣蘿可行至下井之旁石皆光潔又行三里為中井又三里則上
井愈入愈險餘二井益險絕人跡罕到早暝祈禱得金線蜥蟻或蛇蟻之類自

下山望之夾 : 有光雨輒應

灌頂山 (延祐四明志) 在縣西南七十里其山直上二十里方至頂有普淨禪院

歲納學租宋有採鐵于此者朝旨禁之

塘裏山 (寧波府志) 在縣西南五十里

雪頭山 (嘉靖寧波府志) 在縣西南八十里上有龍湫名胡家聖井

哀巖山 (鄞縣志) 距城六十里巖上常產仙露下承深淵人不得取

陸嶽山 (寧波府志) 在縣西五十里

翠巖山 (嘉靖寧波府志) 在縣西五十里有秦王石版弓箭洞葛仙翁以泥封之

遺跡猶存

武陵山 (鄞縣志) 距城四十里 (嘉靖寧波府志) 舊傳劉阮采藥于此至今桃花萬

樹春月盛開如錦綺

聖公山 () 距城四十里壁立千仞石室虛明相傳朱彥誠常遇仙于此

白鶴山 (嘉靖寧波府志) 在縣西四十里

前嶽山 () 在縣西四十六里犀峰起伏雲秀盤結

揚巖山 (成化四明郡志) 在縣西三十五里峰巒環拱竹木森然

琴冢山 (嘉靖寧波府志) 在縣西三十五里

望春山 () 在縣西三十里與白鶴山對峙為邑西小阜

魯巖山 (成化四明郡志) 在縣西三十里

岐山 (嘉靖寧波府志) 在縣西三十里相傳常有異鳥集此又名旗山以張循王

陳兵于此

大慈山 (延祐四明志) 在東錢湖下水巖宋丞相史魯公葬母于此

崎踬嶺 (嘉靖寧波府志) 在縣南一百十里 (名勝志) 山路險峻過者崎踬故名

石城嶺 (寧波府志) 在縣東四十里即同谷山石城落

大嵩嶺 (嘉靖寧波府志) 在縣東七十里

慈雲嶺 (鄞縣志) 距縣東南六十里在大慈山之南接東澗嶺

菩提嶺 (嘉靖寧波府志) 在縣東南七十里通奉化

黃官嶺 (寧波府志) 在縣南六十五里

稠嶺 (嘉靖寧波府志) 在縣西四十五里嶺為鄞慈兩縣之界嘉靖間海道副使

李文進命于此設寨

大岐嶺 (鄞縣志) 在縣西七十里

響巖 (嘉靖寧波府志) 在縣西南五十五里壁立下浸江水。折作聲則巖中答之故名唐賀知章常隱于此

北巖 (延祐四明志) 在縣南五十里巖中可容百人暑月清涼

丹霞嶼 (王穉登客越志) 在東湖中有補陀洞天史丞相浩大母葉目盲欲浮海

奉大士史虞涉險鑿此洞待葉來游始云普陀因名

南滄巖 (嘉靖寧波府志) 在縣東五十里太白山之南

緣野巖 (鄞縣志) 在縣東四十五里

水簾洞 (嘉靖寧波府志) 在縣東五十五里太白山之南

江北墩 (在縣北三里桃花渡北其地天成高阜九十九獨一墩

半入于江蓋望氣者故破壞之

鄞江 (寧波府志) 在縣東北二里即甬江也南接奉化江西接慈谿江三江同會

鎮海之大決江東入于海

蕙江 (嘉靖寧波府志) 在縣南六十里水出大晦山踰江口會于句章鄉三港口

抵它山堰沙明并茂奄山原而環之若帶

蘭江 (寧波府志) 在縣南六十里

日湖 (四明它山水利便覽) 在城西南隅唐地理志載鄞縣下注云南二里有小

江湖太和令王元暉置小江湖即日湖也 (名勝志) 一名細湖周圍二百五十

一自他山堰經仲夏堰入南門為日湖又名南湖一自大雷山經十字港滙望春橋入西門為月湖又名西湖

月湖 (輿地紀勝) 在州南湖中有汀洲島嶼凡十曰柳汀雪汀芳草洲芙蓉洲菊

花洲月島松島花嶼竹嶼烟嶼四時之景不同而士女游賞特盛于春夏飛蓋

成陰画船漾影無虛日也 (四明它山水利便覽) 湖之支渠繞繚城市往來家映

修葺人酌清江有旱則引它山之入月湖以濟一城之用

廣德湖 (唐書地理志) 縣西十二里 (詳見水利) (曾肇廣德湖記) 源出四明山西七

蒨葭芙蓉等蓮芡之饒舊名鶯脰湖今名大厓八年令儲仙舟之所更也貞元二年刺史任伺又治而大之

東錢湖 (至正四明續志) 在縣東二十五里一名萬金湖以其為利重也唐天寶

三年縣令陸南全開廣之屢經浚治周四八十里

馬湖 (嘉靖寧波府志) 在縣南五十里相傳賀知章池說馬池

小江湖 () 在縣西南三十五里唐令王君照修詳見水利

月兒灣 () 在縣東三十五里包家橋形如新月。出泉即吐湧不

絕月中即止

文溪 (戴表元文溪記) 明之北四十里有溪曰文溪郡志以為山水掩映碧而成

文名之也

橫溪 (嘉靖寧波府志) 在縣東南四十五里源出乾坑流至橫溪河

小溪 (寧波府志) 在縣西南五十里地名童家坂今為沙碛

錫山龍潭 (四明龍薈) 在縣西南五十里宋淳祐有白龍顯于此又名龍窠屈曲

而下莫測其底

綠戲橋潭 () 在縣東五里舊有龍窟廣袤十餘丈深不可測至今甚旱

不涸

金沙井 () 在縣東五十里阿育王寺東一里許兩山夾路陰沉可畏有

龍井七舊名瑞井又名聖井又名鰻井二鰻游泳來去無常邦人禱雨累驗宋

元祐元年賜靈淵廟額

虎跑泉 (嘉靖寧波府志) 在縣東六十五里天童山

西山雙乳泉 (寧波府志) 在縣西三十五里資教寺北味甘色白

蛟池 (嘉靖寧波府志) 在縣北二里

蜃池 () 在縣西北一里

蓮花池 (寧波府志) 在縣西三十里資教寺內其花四色又有雙頭白蓮

放生池 (嘉靖寧波府志) 在縣東南五十里隱學寺內

海 () 環府境東際鄞之嵒峙湖頭奉家墩東北際定海之招寶山

後海塘西北際慈谿之觀海龍山東南際象山之爵溪東門奉化之結崎裏港

海潮自定海入鄞江六十里至府城東北分為二江西北通慈谿東南通奉化

潮汐往來各有其候

慈谿縣

浮碧山 (名勝志) 縣治負焉北西東三面瀾為湖山浮其上故名

大蓬山 (延祐四明志) 在縣東北三十里又名蓬蓬山上有巖高四五丈巖上有三佛跡秦始皇東游欲自此入蓬萊故名

香山 (嘉靖寧波府志) 在縣東北三十里即大蓬山支隴唐常寂大師建寺于此名智度今名香山寺

驃騎山 (晏公類要) 在縣南二十里按會稽典錄云漢世祖時張意為驃騎將軍其子齊方歷中書郎曾隱于此山因名

城門山 (成化四明郡志) 在縣西南十五里上有宋城門校尉會稽從事陳詠墓故名

朱墓山 (在縣西六十里宋台州刺史朱夔卜居此山因美焉故名)

閻峰山 (在縣東北一十里吳太子太傅閻澤居其下故名)

石柱山 (慈谿縣志) 在縣東北二十里

亶洲山 (嘉靖寧波府志) 在縣東北三十五里

塔山 (延祐四明志) 在縣東南三里陰陽家謂之青龍山

九峰山 (慈谿縣志) 在縣東北六十里

橫山 (嘉靖寧波府志) 在縣南十里

獅子山 (寧波府志) 在縣東南一十里

赭山 (嘉靖寧波府志) 在縣南十里土色赤絕頂有龍湫

大寶山 (延祐四明志) 在縣西南二里陰陽家謂之白虎山

雙頂山 (嘉靖寧波府志) 在縣西南七里

釣魚山 (成化四明郡志) 在縣西南二十五里上有釣臺相傳謝靈運常釣于此

青木山 (舊浙江通志) 在縣西南二十五里

蘆山 (成化四明郡志) 在縣西南二十五里推青擁翠秀拔鶴洲崑渚之上東南一峰名烏石其上有龍湫名烏石潭

黃墓山 (在縣西南三十五里一名覆船山：平坦狀如覆船相)

傳上有漢黃公墓

大隱山

(在縣南三十里晉虞喜常隱于此三召不起遂名焉元

豐九域志)夏侯曾先地志云大隱山口南入天台北峰為四明東足乃謝康樂

煉藥之所(洞天福地記)大隱山第六十三福地在明州慈谿縣天寶觀

戊溪山

(延祐四明志)在縣西南三十五里晉孫恩盧循入寇劉牢之禦之屯兵

于此故以戊名

東澄山

(嘉靖寧波府志)在縣西南三十五里江水映帶其左

車廐山

(名勝志)在縣西南四十里會稽記云越王句踐于此置廐停車秣馬遺

跡猶名

句餘山

(嘉靖寧波府志)在縣西南四十里句章之西餘姚之東(山海經)句餘之

玉郭璞曰山在餘姚南句章北

虎胛山

舊志胛作胛候

(延祐四明志)在縣西三十里山形聳踞如虎胛隋大業間常鑿

山西南新跡猶存

鳳凰山

(延祐四明志)在縣西四十五里文亭之上其形如鳳與龍山對峙

三通山

(輿地紀勝)在縣南山勢孤峻臨江湖水萦回舟人理棹雖一通猶三通

馬

石門山

(嘉靖寧波府志)在縣西南五十里上有峭壁如門

白巖山

(在縣西南六十里山麓石臺三層高五丈其中虛擊如

島足狀旁石間有膝印又有五指足跡苔蘚莫能蝕相傳昔有仙人以肩正石臺中添一小石柱以支之因名鄉為石臺鄉

五馬山

(慈谿縣志)在縣西南六十里

岡山

(嘉靖寧波府志)在縣西南六十里平曠深遠地多異名

石魚山

(名勝志)在縣西五里又五里為石櫃山俱以形似而名

雲山

(慈谿縣志)在縣西十五里

仙雞山

(成化四明郡志)在縣西二十里旁有石雞

抱子山

(輿地紀勝)在縣東南十里山勢宛轉盤泊如龍蛇抱子之狀故名

雨微山 (延祐四明志) 在縣西五十里舊名龍山上有雲氣即雨或云雨微山

漁溪山 (成化四明郡志) 在縣西五十里石磯枕水彷彿富春

夜飛山 (延祐四明志) 在縣西四十五里相傳此山自蜀中夜飛來蜀客識之

太平山 (嘉靖寧波府志) 在縣西六十里下有村與湖皆名太平

埋馬山 (延祐四明志) 在縣西六十里夏侯曾先地志云秦始皇游海至此馬斃

埋之故名

石塘山 (嘉靖寧波府志) 在縣北四十五里

五峰山 (名勝志) 在縣西北三十五里山有五峰亭：相峙其下相崖屹立如門

五磊山 (延祐四明志) 在縣西北三十五里五峰累：相比

隱山 (嘉靖寧波府志) 在縣西北六十里鄞令方軫隱于此故名

鳴鶴山 (輿地紀勝) 在縣西北六十里昔有鶴棲于此一旦飛鳴冲天而去今有

鳴鶴鹽場即此

浪港山 (嘉靖寧波府志) 在縣西北七十里觀海衛城負焉

瓜哲山 桑嶼山 箬舉山 廟山 (俱縣西北七十里大海中)

向頭山 (延祐四明志) 在縣西北八十里亦名西龍尾東望伏龍山龍頭以東屬

定海龍尾以西屬餘姚二山捍潮其中漲塗漸與山相接古有海塘開杜屹然

今為魚鹽之地

大忌山 (成化四明郡志) 在縣西北八十里下有暗石為舟航往來所忌(嘉靖寧

波府志) 舊在大海中今近岸

小忌山 (成化四明郡志) 與大忌山對峙

泥橫山 (嘉靖寧波府志) 在縣西北一百里俗名坵泥山在大海中今連大岸

東向山 箕舉山 黃牛山 (延祐四明志) 俱縣北六十里

雁門嶺 (嘉靖寧波府志) 在縣東北四十里通龍山千戶所

長溪嶺 (在縣西北六十五里溪行可五六里許北通鳴鶴鄉

石刺嶺 (寧波府志) 在縣北一里石磴蟠紆迤運接縣治

雪巖 (天啓慈谿縣志) 在縣東北十五里石巖高峻俗呼為望海夫

慈谿江 (名勝志)源自紹興餘姚之太平諸山至丈亭乃歧而為二大江由車廐
廐西渡經府城之北至大決口入于海小江從東南貫縣城中由驄馬橋出東
郭一名管山江

慈湖 一名普濟湖 (嘉靖寧波府志)在縣東北一里唐開元間縣令房瑄鑿廣袤一百
五十畝因縣名曰慈以吳太子太傅闕澤舊居呼為闕湖 (至正四明續志)普濟

太子太傅闕澤德潤居之謂之德潤湖後因寶謨閣學士楊簡敬仲居之謂之慈湖

白洋湖 (寧波府志)與杜湖相連西界餘姚 詳見水利

花嶼湖 (至正四明續志)在縣東南一十里古有塘儲水唐貞觀十年刺史任伺

修築計一十七頃四十餘畝湖中有小墅春花明媚多于眾山故名

杜湖 (嘉靖寧波府志)在縣西北五十里唐刺史任伺重加浚築宋慶曆初主簿

周常築塘修開 詳見水利

西羅浦 (天啟慈谿縣志)在縣西南二十六里羅仲舒先生所居

松浦 (嘉靖寧波府志)在縣西北五十里

古窰浦 (寧波府志)在縣西北六十里

鷄鳴浦 (嘉靖寧波府志)在縣西二十里

黃家浦 (在縣西南二十里)

慈溪 (名勝志)舊名大隱在縣西南三十里 (統德錄)漢董黯早孤事母惟謹母疾

思大隱溪水遠莫時至乃築室溪濱板輿就養疾瘳乃歸因名慈溪

文溪 (嘉靖寧波府志)在縣東十五里受眾山之水 互見鄞縣

漁溪 (輿地紀勝)在勝西四十五里清潭澈底鱗介不潛

永昌潭 (四明龍蒼)在縣西南四十四里舊名廣澤潭唐天寶二年常達使至潭

投金龍畧以朱筆記其在肋縫而兩降明皇日睹行雨龍左肋上有朱畫及有

大寶永昌四字遂賜名大寶潭名永昌

獅子潭 (成化四明郡志)在縣西南四十五里上有石室三層高數丈及獅子足

仙人藥臼

石人潭 (在縣西南三十五里)

奉化縣

印山 (嘉靖寧波府志) 舊名高青亭山在縣西三十步又以山小而圓土多紅色故名

鳳山 (名勝志) 自華頂遙迤東來與印山相連一名含先山越五里即華頂山也

北山 (嘉靖寧波府志) 在縣西二里在華頂山之北

華頂山 (在縣西五里山秀而尊上有龍湫)

西園山 (寧波府志) 在縣西北十里

鯉湖塘山 (在縣西十里高出眾山有奇石山頂有龍湫不涸常出雲以為候)

以為候

石嶺山 (成化四明郡志) 在縣西十五里上有石高聳狀如人形又名新婦巖(名勝志) 有石如鏡臺宋封石嶺夫人祠

湖山 (寧波府志) 在縣西北二十里剡溪遠後湖水遠前故名

橫山 (延祐四明志) 在州西四十里腰山為路二十五里(奉化縣志) 上有石文若

篆謂之天篆

小丹山 (奉化縣志) 在縣西六十里(名勝志) 四明山之南剡源之三石村上有二

洞如廣廈可容五六十人巖罅水流縈細赤色雲笈七籤所謂四明洞天丹山

赤水是也

大雷山 (延祐四明志) 在州西南四十里登具山可見海二百里外(四明洞天丹

名大慈晉漢時得道之士多隱此山內有金鷄洞

雪竇山 (嘉靖寧波府志) 在縣西六十里上有雪竇寺西五里有奉慈寺山多奇

勝有妙高臺藤龕含珠林鏡錦池石竇千丈巖瀑布泉桃花坑龍隱潭宋理宗

嘗夢其處御書應夢名山賜之故有御書亭(雪竇寺志) 按輿圖自天台摘星峰

歷華頂至四明山心東來過二十里雲起為雪竇山又名乳峰正峰巒峙四山

攢拱西澗出水交會于前又東折而下逶迤六七里始抵山麓(輿地紀勝) 丹碧

照爛飛簷鱗蔚在青嶂間晨霧暮靄遮露萬狀尤為勝際

鎮亭山 (漢書地理志) 鄞有鎮亭(嘉靖寧波府志) 在縣西南一百里西界于越南

跨于天台故其鄉為連山

梨洲山 (名勝志) 在縣西一百里即四明山之西峰晉時孫興公與兄承公同遊

至此偶得梨數枚左右環視莫見其迹意以為仙物也故踞其地曰梨洲山

桃花坑山 (延祐四明志) 在四明山之上二十里雲之南也山巖壁立數仞延袤

數百里巖色紅白相間狀如桃花之初發故名

寶化山 (成化四明郡志) 在縣南三里為邑之素山

奉化山 (嘉靖寧波府志) 在縣東南五里一名瑞峰山特起周回三十里四面皆

異名東為楞嵒山西為龍潭山頂有龍潭南為吳郎山即後潭山北為南山九

丈載奉化州山石裂即此山也

九峰山 (奉化縣志) 在縣東六十里九峰突兀產多烏柏秋霜葉紅爛若春花

鮎埼山 (成化四明郡志) 在縣東南五十五里漢書地理志鄞有鮎埼亭師古亭

鮎蚌也埼曲岸也其中多鮎鄞後析為奉化縣因以為名

蓬島山 (在縣南四十里為邑之遠系其源來自四明山九筮為

諸山之冠山谷間有龍湫為霄椅之所

石樓山 (嘉靖寧波府志) 在縣西南六十里(太平寰宇記) 在鄞縣南又名石柱山

高六百丈

九女山 (在縣南二十五里)

小梅山 (奉化縣志) 在縣南三十里

勞山 馬跡山 (俱縣南二十五里)

三山 (延祐四明志) 在州南五十五里屹立大海中如三台然

塘頭山 廟山 大洞山 (舊浙江通志) 俱縣南六十里

天門山 (成化四明郡志) 在縣南六十里列峰排空高入蒼蒼(漢書地理志) 鄞東

南有天門水入海有越天門山 (舊浙江通志) 一名壘樓門山瀕

剡源山 (戴良剡源記) 奉化之西六十里有山夾溪而出蕭然深茂者剡源山也

以其近剡故名之

新嶺山 (嘉靖寧波府志) 在縣東二十里由舍輞嶺來山有七十二曲嘉靖間更

嶺道于後靡芟闢平坦行人便之謂天平嶺

大樣山 (一) 在縣東八十里

石昌山 (一) 在縣東一百里

鄞城山 (成化四明郡志) 在縣東五十里古鄞城在下舊志云即赤堇山有草曰

赤堇鄞以此名而加邑焉

貌頭山 清涼山 馬頭山 (舊浙江通志) 俱縣東九十里

青錦山 (嘉靖寧波府志) 在縣北一里一名蓮花巖

銅山 (寧波府志) 由日嶺出其山甚尊周回三十里

孝感山 (奉化縣志) 在縣東北一十里相傳昔人喪父廬墓側天忽降甘露草木

花皆純白故名

金鐘山 (嘉靖寧波府志) 在縣北十里形如鐘

漢城山 (延祐四明志) 在州東北二十里山有五代漢時城基

四明山 (成化四明郡志) 在縣西北六十五里遠連會稽近接天台

詳鄞縣

三嶺山 (奉化縣志) 在縣北十里

赤莧山 (元和郡縣志) 在縣東十里(嘉靖寧波府志) 夏侯曾先地志云亭頭有赤

莧山秦始皇遣徐福求訪神仙至此或云昔有赤莧仙人常居此山因名

江口山 (嘉靖寧波府志) 自四明山分為雪竇諸山東衍至此而止山上有塔山

半有清水菴俯瞰長江山陰為鄞境山陽為奉化境

梅山 (延祐四明志) 在州西南二十五里或謂梅福曾遊此

莫馬山 (寧波府志) 在縣北三十里相傳有神馬常夜出故名

大小胸山 (嘉靖寧波府志) 在縣西六十里即四明山東來之兩峰(四明洞天丹

山圖咏集) 宋應則入色境色秀麗既而冥胸故云大小胸

岳林山 (名勝志) 在縣東北五里梁大同初建崇福寺于此

黃甘嶺 (嘉靖寧波府志) 在縣西二十五里

毛嶺嶺 (一) 在四明山之南接大小胸山巖谷崎嶇行者艱阻宋紹

興初有毛居士者鑿山以便往來

六詔嶺 (寧波府志) 在縣西百里相傳百五軍常隱此曾詔起之舊志名陸照悞

唐興嶺 (嘉靖寧波府志) 在縣西一百里通紹興府界

桃花嶺 (在縣東南十五里即奉化山之東麓)

山隍嶺 (寧波府志) 在縣南五十里通西店驛寧海縣

桐墟嶺 (嘉靖寧波府志) 在縣東南六十里宋建炎間立寨于此守戍以海道一

要衝也

寨嶺 (寧波府志) 在縣東四十五里通東南邊海

清修嶺 (嘉靖寧波府志) 在鶴鳩山下通鄞之小溪

五嶺 (在縣東三十里桑社墾通白社金溪)

千文嶺 巖 (雪竇寺志) 此雪竇之勝懸崖飛瀑又名飛雪巖

徐鳧巖 (四明龍會) 在雪竇西十五里重崖峭壁數百仞瀑布冬夏不絕巖下有

神龍宅焉

獅子巖 (延祐四明志) 在州東五十里狀如獅子

周家巖 (嘉靖寧波府志) 在華頂山內

聖井巖 (在清涼山東南)

棠巖 (在公棠山)

渠水 (漢書地理志) 句章有渠水東入海

北渡江 舊名奉化江 (延祐四明志) 源于四明之鎮亭山出州之惠政橋下與諸水會

南來巨府城之東然後與慈溪江會而入海

萬壽湖 (寧波府志) 在縣東五里即新婦湖本縣放生之處又名放生湖

廣平湖 (奉化縣志) 在縣東北五里一名寺後湖

范家河 (嘉靖寧波府志) 在縣北一十里通大江 詳見水利

西錦溪 (奉化縣志) 自華頂山下過石棋盤東流入城西水門至縣南嘉會橋俗

謂之蛇腹溪以兩端稍狹也出城東水門至方勝磯

剡源溪 (至正四明續志) 在州西七十里導自陸照左溪會同流于公棠逾泉溪

會于三江口入北渡達于海 舊浙江通志自四明山來其溪九曲

按奉化當漢時鄞句章二縣境舊志云古句章縣在三江以北光溪境上漢書所謂渠水疑即奉化江也

金溪 (嘉靖寧波府志) 在縣東五十里源發金莪山東北迤白杜河北入北渡江
隱潭 (四明龍蒼) 在縣西北五十里潭居兩巖之下兩巖相抗壁立數百仞仰以
窺天僅如數尺瀑泉循崖而落水寒石潔聳人毛骨每遇旱禱旋應如響

濯碑潭 (延祐四明志) 在州東二里故老云官清則潭清

重濟泉 (名勝志) 在縣西南舊名包家潭

透瓶泉 (延祐四明志) 在州東三里以研器貯之水透瓶外

東港海 (奉化縣志) 在縣南六十里自湖頭渡分港入天門山至鮑埭接寧海浮

溪

鎮海縣

印山 (延祐四明志) 在縣東二里 (嘉靖定海縣志) 地湧一石形方如印 詳奉化縣

祥蔭山 (延祐四明志) 在縣東一里 (寧波府志) 東北石壁陡起下有泉水

巾子山 (成化四明郡志) 在縣東北二里與候濤山對峙為風濤蔽障

招寶山 (吳萊甬東山水古蹟記) 東偏海或云他處見山有異氣疑下有寶或云

東夷以海貨來互市必泊此山 (嘉靖寧波府志) 縣東北二里舊名候濤山之東
南峙一小山僅高尋丈名昌國山潮汐于此分流舟行可達昌國

金鷄山 (延祐四明志) 在招寶山外屹立海中

蛟門山 (名勝志) 在縣東海中約十五里一名嘉門山環鎮海口吐納潮汐有蛟

龍穴處時興颶風怪浪古稱蛟門虎蹲天設之險即此

虎蹲山 (嘉靖寧波府志) 在縣東五里屹立海口以形得名

游山 (延祐四明志) 在縣東二里海中

烏石山 (嘉靖定海縣志) 在縣東南四十里山巔石色黝黑故名有巨人跡濶六
寸長一尺五寸云佛跡世傳舍利始自此山飛入阿育王山

盤畧山 (延祐四明志) 在縣東南七十里水繞太白山陰而出凡三十六盤宋儒

習菴先生陳墳墓在焉

慈畧山 (在縣西南九十里古傳左慈隱此)

伏龍山 (嘉靖定海縣志) 在縣西北八十里一名箬山首尾跨東西海門蜿蜒如

龍中有千丈巖刺文門石壇乳井海眼泉

澤山 (延祐四明志) 在縣西北八十里舊名櫟山宋吏部郎黃裳改今名

施公山 (一) 在縣西北九十里北瞰大洋商舟往來多苦海寇元至元

間縣達魯花赤張進勳巡檢司民乃安居(嘉靖寧波府志)今置烽墩其上

龍頭山 (嘉靖定海縣志) 在縣東南十二里側有葫蘆嶠縣令金九成築寨嶠口

建樓于上以防海

石門巖山 (寧波府志) 在縣西南二十里陳山在東龍山在西儼若二門故名

徐家巖山 (一) 在縣西北七十里有五嶺通往來

石櫛門山 (舊浙江通志) 青雷頭山東南海中數峰崛起潮汐經流其中旁午為

十六門亦名十六門山

瑞巖山 (嘉靖定海縣志) 在縣東南八十里有二峰宋大中祥符五年有芝草

生于青松峰之上守臣康孝基奏聞勅獎紀瑞云

雁門嶺 (寧波府志) 在縣西北六十五里西南慈溪界

大澗江 (名勝志) 在縣南城外自蛟門海洋分派為支江向西泝流七十里抵郡

城三港口分流西南六十里至鄞縣它山堰西北二百里抵上虞縣之通明壩

(輿地廣記) 定海有大澗江越滅吳將遣吳王夫差于甬東韋昭以為句章東澗

口外洲是也 (寧波府志) 晉安帝時孫恩寇上虞劉裕成句章出戰退還澗口宋

黃崎江 (寧波府志) 在縣東南一百十里自崎頭海洋分派為支江西北流約半

潮至蛟門出大海

梅山江 (一) 在縣東南十里自崎頭海洋發潮西北流入烏崎頭山港經

大嵩通于海

靈緒湖 (嘉靖定海縣志) 在縣西北靈緒五都周環二十里

鳳浦湖 (一) 在縣西北靈緒三都周環十八里

西河 (舊浙江通志) 在縣西北四十里靈緒一都自慈溪縣香山發源東流至靈

緒二都由澗浦入海西流向斗門山十五里合大河

澗浦 (一) 在縣西北五十五里即古之潮澗

玉泉 (延祐四明志) 在縣東北三十里廣福院前味甘色白烹茶為勝

象山縣

象山 (成化四明郡志) 在縣治北半里形如伏象其峰圓嶺又名圓峰東首大老

巖：下有圓峰故祠

鳳躍山 (象山縣志) 在縣東五里頂平夷如王字因名 (象山縣志) 唐乾符二年有鳳翔于上

王字山 (象山縣志) 在縣東五里頂平夷如王字因名

鼓吹山 (延祐四明志) 縣東八里其峰崒然孤峻天將雨先有聲如鼓吹鳴

甸平山 (成化四明郡志) 在縣東三十里其頂平廣數十里

漫泉山 (嘉靖寧波府志) 在縣東四十里大海中上有二穴出泉味極甘冽巖上

有巨人跡上馬石相傳安期生常遊于此故又名道人山

瑞龍山 (在縣東南十里又名烏龍山周回盤屈如伏龍故名)

爵溪山 (在縣東南三十里)

小睦山 (象山縣志) 在縣東南四十里

大陸山 (在縣東南海中一百里)

西珠山 (在縣東南海中六十里)

東珠山 (在縣東南海中八十里)

韭山 (在縣東南一百里大海中產大韭遍地雲嵐四霽則蜃氣煥發

樓臺殿閣龍鳳之形變態萬狀最為奇觀

馬鞍山 (嘉靖寧波府志) 在縣東南一百二十里其形類馬鞍故名

秋閑山 (象山縣志) 在縣東南海中一百四十里

大薤山 (嘉靖寧波府志) 在縣東南二百里山產大薤自小睦至此俱海中山過

此則巨浸茫一望無際

瑞雲山 (在縣北十里遙迤起伏狀如飛雲)

東臯山 (在縣東北十里內有小穴泉涌不竭名曰旱井又名甘

泉

洪水山 (在縣東北二十里)

西山 珠巖山

(俱縣東北三十里)

大茅山 (舊浙江通志)

在縣東北二十五里山峰秀出如筆

新羅魯山

(在縣東北二十里舊傳暹羅人繫舟于此以暹為新俗)

音之訛

屏風山

(在縣東北三十五里過此為湖頭渡乃鄞奉之地)

珠山 (嘉靖寧波府志)

在縣東北三十里山頂一石圓像如珠因名端延廣潤鎮

都凡四

玉泉山

(去珠山十里山下出泉色瑩如玉味極甘冽)

煉丹山

(名勝志)在縣治西一里梁陶貞白修煉于此

鄭行山

(延祐四明志)在縣西北十里舊有鄭行居此舉

萬松山

(名勝志)在縣西北三十里麓有智門寺

塔嶺山

(舊浙江通志)在縣西北十里

大雷山

(嘉靖寧波府志)在縣西二十里盤踞數十里

白巖山

(在縣西北三十里)

下沙山

(舊浙江通志)自白巖東過數步由此至蝦蟆嘴可入于海

蒙頂山

(成化四明郡志)在縣西北四十五里上有巖曰花氣巖夏旱少有雲氣

必雨

五雷山

(嘉靖寧波府志)在縣西北四十里有峰相疊而下故名謝仙所生故址

姜嶼山

(在縣西北五十里由此越海登陸則為奉化境)

橫山

(在縣西北五十里自蒙頂山與蒼蓋山交峽橫于台明之

境故名

白石山

(在縣西北六十里海港中為奉象之境)

烏嶼山

(在縣西北八十里孤懸海中圓如小珠為鄞奉分境)

鷄籠山

(延祐四明志)在縣西南五里下有鶴廟

玉几山

(在縣南十五里縣治案山)

冠蓋山

(嘉靖寧波府志)在縣西南三十里頂列五峰如冠蓋相望

五師山 (延祐四明志) 在縣西南四十里昔有五僧修道于上
靈巖山 (嘉靖寧波府志) 在縣西南四十五里巖石奇怪極具天巧有瀑布倒流
百餘丈

太平山 (象山縣志) 在縣西南五十里

玉女山 (象) (在縣西南九十里)

石浦山 (嘉靖寧波府志) 玉女南去五里中為石浦所

環翠山 (從家山) (俱縣南十五里)

三茅山 (延祐四明志) 山有三峰春時雜花交發綺麗可觀

鷄鳴山 (嘉靖寧波府志) 在縣南七十里

眠瓦山 (師姑息山) (面現山) (面縣治而案海上一望無際俱縣南八十里)

青部山 (版場山) (俱縣南九十里)

后門山 (在縣南一百里跨山而城為昌國衛)

東門山 (在縣南一百二十里海中兩峰對峙即漢書所載天門)

也高二百丈周二十五里明初建衛于此有昌國舊城先未析象山時以山在
南海中接寧海之東境故名東門亦海道之要衝也

大門山 (石壇山) (俱縣南一百三十里)

東西濤山 (在縣南海中一百二十里四面風濤未嘗少息因名)

大佛頭山 (名勝志) 高出海中諸山數百丈周一百餘里日本入貢以此山為向

道內年曠膏腴耕種甚利事林廣記有東仙源為海中福地即此

台明嶼山 (嘉靖寧波府志) 兩山對峙于中流為台明二郡分境俱縣南一百五
十里

秋蘆門山 (楊大嶼山) (踰此則為東甌境俱縣南二百里)

石門嶼 (在縣西北六十里寧象分境界)

西溪嶼 (寧波府志) 在縣西南五十里象寧分境

黃部嶼 (嘉靖寧波府志) 在縣西南九十里

黃枝嶼 (在縣西南八十里界寧海)

司頭嶺

(在縣西南一百二十里)

蓮花巖

(在縣西十里色赤如千葉蓮花)

鬼洞巖

(在縣西五十里巖洞空濶容十數人上有天窗下有石

几

佛頭巖

(延祐四明志)在縣南二十五里巖高千餘丈上如佛首中漸如蜂腰後

巖欲搖又名搖環巖

定風巖

(象山縣志)在縣東十里許一名旋倒山上八面風起至此獨息因名

鋸門洞

(四明龍巖)在縣東南三十里在鋸門山巖半壁中濶三文許其圓如規

洞內有二潭中一石筍如柱下有橫石如闕洞口石壁兩分如左右手內窠小

畦山如圓珠外窠大畦山如筆架潮至洞下聲震如雷宋寶慶志云世傳五龍

聚會于此每歲上巳邑人候潮退入洞觀之有巖花石乳續紛懸墜下有五色

石子瑩潤光澤類寶石可愛歲旱或投以朱書鐵簡風雨立至

北港

(嘉靖寧波府志)東達于洋西距鮑崎由陳山渡一潮至^{方門}東至再潮至烏崎

三潮至府城下

玉帶溪

(象山縣志)源出鳳躍山流西永安橋自西而東經儒學前入長樂橋以

其環達縣市中故名玉帶溪

海

(嘉靖寧波府志)東曰錢塘南曰大睦西南曰東門皆善船閘船之所經自錢

塘而北則定海自東門而南則台溫

定海縣

定海山

在縣東元名舟山有山萃如枕海之湄以舟之所聚故名舊昌國縣山

也明初縣廢隸昌國衛

國朝康熙二十五年海氛蕩平開復舟山

聖祖仁皇帝御書定海山三字勒石建亭永鎮東溟二十七年建縣治即

賜名定海縣而改舊定海為鎮海縣

大推山

(天德昌國州志)即州治照山儼若屏障在前四望其形如一

觀山

(定海縣志)在城東南半里宋建道隆觀于其下故名

黃楊山 (天德昌國州志) 在州東北通陸之處極峻巖險峻一峰傑出人目曰黃楊尖

翁山 (延祐四明志) 一名翁洲州東三十里徐偃王所居也今城址猶存抱樸子

論古仙者之藥以登名山為上而以海中大島嶼若會稽之東翁洲之類者次

之乾道間畊者得銅鼎一無足而有耳以不穿中可容斗餘而底之埃墨猶在

遂歸進士陳節謂煉丹之遺器 (定海縣志) 著仙翁煉丹于此故名

東霍山 (吳萊甬東山水古蹟記) 山多大樹徐市蓋駐舟于此 (天德昌國州志) 在

海東北環以大洋世傳徐福至此山有石宛如一秤修竹森立風枝掃拂常無

纖塵

甬東山 (定海縣志) 在縣東十里文記所謂吾置王甬東之地蓋東南之主山也

(路史) 文記句踐平吳徙夫差于甬東杜預云甬東乃句章東海中洲地也

鼓吹山 () 在縣東四十里山之陰曰戰洋曰馬壘古有徐偃王祠值風

雨晦冥隱若有鼓吹聲居人以此名之

鎮鰲山 () 在城西北隅宋元州治俱在山麓今為總鎮府宋淳熙間賜

名鎮鰲

蓬萊山 (吳萊甬東山水古蹟記) 昌國北界有蓬萊山眾山四圍峙立旋繞小嶼

此如千尺樓臺中有紫霞洞隱有神仙題墨漫不能辨

補陀洛伽山 (普陀山志) 在昌國東海中今屬定海縣去郡城約三百里補陀洛

伽蓋梵名也華言小白花華嚴經言善財第二十八奉觀音菩薩說法處又曰

海岸孤絕處一名拘卷以拘子真曾煉藥于此也

石門山 (天德昌國州志) 在州東通陸迥絕處名極樂嶼下瞰大海渺無涯淡旁

有兩山對峙如門出入

雙髻山 (定海縣志) 在縣北十里有二峰如髻矗立天表諸山環繞為縣治之主

山

蘆花山 鳳尖山 () 俱縣東五十里

沈家門山 () 在縣東九十里外通蓮花洋最為要地

馬跡山 (天德昌國州志)在海東北安期生洞在焉

斗門山 (定海縣志)在縣北三十五里有龍潭

疏峰山 ()在縣西南六里可望日出

大小洛伽山 ()在縣東一百二十里海中與普陀接近

龜山 ()在縣南約三里海中為定邑桑山

金塘山 ()在縣西約八十里海中周百餘里泉甘土肥洵稱沃壤

岱山 ()在縣西約百二十里海中周迴四百餘里土厚田瘠以漁鹽為

業

大榭山 ()在縣西南約八十里海中寬廣百里土肥民稠

蘭山 ()在縣東北約五十里海中

石弄山 (延祐四明志)在縣東南山石玲瓏故名

馬秦山 (定海縣志)縣東南約四十里海中 (天德昌國州志)昔有碧雲菴焉者禪

列諸

桃花山 (延祐四明志)在東南世傳安期生煉丹之所常以醉墨洒石成桃花紋

因名

烈表山 (舊浙江通志)在金塘山西北隔一小港相表裏亦名烈港

鐵杆山 ()西南童山首尾大而腰細橫臥海中如杆然

岸峇山 (吳萊甬東山水古跡記)東從舟山過赤嶼轉入外洋望岸峇山一出白

艾地多蛇 (天德昌國州志)在海東山之巔

黃公山 (嘉靖寧波府志)在昌國東海中昔黃公能以幻術制虎斃于此山故名

(西京雜記)東海黃公少時為術能制蛇御虎佩赤金刀以絳縵束髮立與雲霧
坐成山河及衰老飲酒過度不復能行其術秦末有白虎見于東海黃公乃以
赤刀往厭之
遂為虎所殺

塔嶺山 (天德昌國州志)在黃公山南有石如婦人狀春月多杜鵑花

順母山 (嘉靖寧波府志)在縣東海中有石如牛形人謂石牛

竹嶼山 (天德昌國州志)與舟山對境兩山夾峙上有叢竹附潮而上者由此謂

之竹嶼門

雲嶼山 (與竹嶼對峙山勢稍崇雲氣常瀟鬱附潮而下者由此謂之雲嶼門)

盤嶼山 (嘉靖寧波府志) 與竹嶼山隔海對峙山勢盤旋故名

寺鐘山 (大德昌國州志) 在秀山去州隔一湖山之頂有古佛殿基塔砌儼然傍

有井甃以磚凡遇陰晦隱聞鐘聲因以為名

佛嶼山 (在秀山上有一峰表特立望之儼如丈六全身相傍

睨如背負一小佛狀甚怪

西蘭山 大若山 檉岸山 浮塗山 舊名浮塗 砥石山 (嘉靖寧波府志) 俱昌國

南海中

小竿山 大竿山 崑斗山 麻隰山 蛟山 登部山 黃砂山 徐公山

復嶼山 石珠山 (俱昌國東南海中)

東勾曲山 石馬山 石牛山 隰山 (俱昌國東海中)

浪港山 深水山 莆隰山 蛇山 竹山 洋山 東蘭山 西枯山 東曉

山 東枯山 舊名桑子山 石蜀山 東胸山 川石山 北壁山 大衢

山 小衢山 三星山 冷嶼山 西湏山 湏皓山 落華山 青閣山

丁興山 陽山 陳錢山 (俱昌國東北海中)

大磧山 東乳山 東岱山 西胸山 大洋山 弔嶼山 (俱昌國東北海中)

昌國北海中

回峰山 西良山 長塗山 三姑山 灘山 長白山 西岱山 正策山

吳農山 如岸山 橫子山 冊子山 西桑山 五嶼山 宜山 龜鱉山

(俱昌國西北海中)

嘉門山 曉峰山 小節山 大節山 三山 砂羅山 (俱昌國西海中)

國西海中

蒼山 黃石山 鷄鳴山 東豸山 大板洋山 西豸山 黃馬乳山 虎頭

山 白踏山 大桑山 青屯山 黃隆山 楊岸山 畫栲門山 小磧山

黃羅門山 大小板山 綠獅山 大小獨山 廟址山 (俱昌國西海中)

皆在海中莫詳所在

書字巖 (嘉靖浙江通志) 一名桂竹嶼俗傳羅隱留題于上字蹟隱：可見

箭巖 (大德昌國州志) 在馬秦後沙上有箭孔故名

響巖 (在馬秦去州隔一潮巖石玲瓏遇陰晦則空洞有聲

葛仙峰 (定海縣志) 在金塘山視諸峰為最高世傳葛仙翁憩此山有煉丹井久

早不涸

十二峰 (舊浙江通志) 在東胸山峰列十二森秀可觀

蓮花峰 (大德昌國州志) 與馬秦山碧雲菴對峙三石層出如蓮花上有佛脚跡

拄杖印馬跡痕山之四隅各有小浮圖地產草一種名長生不死云

玉峰 (在岱山鷄子尖嶺下崗巒秀拔林樾蒼潤時有白霧蒙其

巔人以為福地

盤陀石 (天中記) 明州昌國東海中有盤陀石平廣可立百餘人下瞰大海正疾

乘日出之地燭龍將駕天光煥發頃焉一輪涌出其大有不可名者

觀音洞 (吳萊甬東山水古跡記) 自梅岑山東行西折為觀音洞：瞰海外嶼中

裂大石壁紫黑旁罅而兩歧亂石如斬圭積伏蟠結晝夜作魚龍嘯吼聲

善財洞 (梅岑西為善財洞峭石蓄足泉流滲滴懸纓不

折

龍泉澗 (普陀山志) 在潮音洞外有石壁立中宵不可測

白泉湖 (定海縣志) 縣東北周環三十里潴水溉田源泉沸涌舊志名富都湖(至

正四明續志) 又名萬金湖

查浦 (嘉靖寧波府志) 在昌國夏侯曾先地記云吳伐越次查浦即此

黃馬溪 (至正四明續志) 在州西北五十里南嶧水從李嶺發源流注于海

芙蓉洲 (貝瓊遠清堂記) 距昌國縣東三百武有洲曰芙蓉其水紫紆南流以入

于海洲之上皆蓮芙蓉其異名也

海印池 (定海縣志) 在普陀產白蓮

九節龍潭 (四明龍蒼) 在翁洲東五里田塍間昔人汲水得鱖刀鬻九段烹諸釜

俄頃不見翌日復汲于潭其鰻洋九節游潭中人皆異之早往禱焉
岱山龍潭 (四) 在龍東北山上有潭三澗不滿丈深不盈尺禱而投以尺

書則有物若解若縵者出誠或不至書浮水面不沉

大海 (定海縣志) 東接三韓日本南通閩粵西北直抵遼東潮汐往來日有定候

蓮花洋 (一) 在縣東往洛伽必徑此 (普陀山志) 倭人入貢見大士聖異欲

載歸海生鐵蓮花舟不能行懼而還之得名以此

紹興府 山陰會稽 二縣附郭

典龍山 舊名臥 (嘉泰會稽志) 舊名種山越大夫種所美處一名重山種訛成重

也 (寶慶會稽續志) 按元微之州宅詩序州之子城因種山之勢盤繞迴抱若臥

龍形故取以為名 (紹興府志) 今府署據其東麓山陰縣署在南麓

國朝康熙二十七年

聖祖仁皇帝南巡駐蹕茲山改名典龍山

火珠山 (嘉泰會稽志) 在臥龍山東隅小而圓絕類龍領之珠 (明一統志) 在府治

蛾眉山 (名勝志) 在火珠山下百餘步石隱起土中狀如蛾眉

龜山 (嘉泰會稽志) 在府東南二里一名飛來一名寶林一名怪山 (越絕書) 龜山

句踐所起遊臺也東南司馬門因以灼龜又仰望天氣觀天怪也 (水經注) 縣西

門外有怪山本琅琊郡之東武縣山也飛來從此吳越春秋稱怪山者東武海

中山也一名自來山百姓怪之號曰怪山亦曰龜山越王無疆為楚所伐去琅

琊山東武人隨居山下遠望此山其形似龜故有龜山之稱 (紹興府志) 上有應

天塔今呼為塔山

陽堂山 (名勝志) 在臥龍山南三里府城跨其脊其南麓出城外跋于河湟一名

絕郎山 北舊有絕郎祠 (太平寰宇記) 郡國志云山有絕郎祠本名蓋一名信

儼然但無氣耳人 後漢人生好獵死莫于此兒忽夢當更生聞推視尸

事之頗有重驗 巖山 一名戒 (在臥龍山東北三里許產巖越王句踐常採食之晉王羲

之宅在焉後捨宅為戒珠寺

白馬山 (一) 在巖山東南一里許王漸削山石依然

會稽風俗賦注引十道志云翁洲在海中徐偃王所居嘉靖寧波志云翁洲昌國東三十里一名翁山徐偃王居此唐置翁山縣以此命名二說良是會稽志所未知何據

彭山 (一) 在白馬山東舊經云彭祖隱居之地有助海侯廟

翁山 (嘉泰會稽志) 在府學之東會稽境郡國志云徐偃王居翁洲即此

輦膠河 (山陰縣志) 在縣治東即府河(嘉泰會稽志) 一名投膠河一名勞師澤

運河 (嘉泰會稽志) 在府西一里屬山陰縣

新河 (名勝志) 在府城西北二里唐元和中觀察使孟簡所開

鷲池 (弘治紹興府志) 在戴山戒珠寺前舊經云是王右軍養鷲之所

洗硯池 (一) 在白馬山下舊經云是王右軍洗硯處

清白泉 (嘉泰會稽志) 在府治內清白堂側范文正公記西巖下獲廢井泉甘而

色白淵然文餘引不可竭(魏驥清白泉記) 清白泉者在紹興臥龍山下郡治內之西隅景泰其年郡守白公得之于淮舟中寃其自

泉者無媿斯名也沒東嘉王十朋來登郡幕作會稽賦有飲清白以自娛之句

豈不因是泉而發與自文正之去泉之廢不知其幾百年今守白公乃得之于既廢之沒夫豈偶然者哉

三汲泉 (輿地紀勝) 在臥龍山麓泉甚淺不過有水數斗然汲泉已滿未嘗竭也

重鰻井 (弘治紹興府志) 在寶林山井有重鰻時出見

山陰縣 城外山川

亭山 (嘉泰會稽志) 在縣西南一十二里(太平御覽) 晉司空何無忌臨郡起亭山

椒種望巖阜基址猶存因稱亭山

侯山 (嘉泰會稽志) 在縣西四里舊經云南湖侯山迴在湖中俗稱九里山昔時

去縣之數也(晉書孔愉傳) 愉為會稽內史在郡三年乃營山陰湖南侯山下數畝地為宅便棄官居之

陳音山 (一) 在縣西南四里(太平御覽) 昔有善射者陳音越王使簡士

習射于郊外因死為冢今開冢壁悉畫作騎射之象因以名山

麻林山 (越絕書) 一名多山句踐欲伐吳種麻以為弓弦使齊人守之越謂齊人

多故曰麻林多以防吳去縣一十二里

龍尾山 (紹興府志) 在府西南二十里與臥龍首尾相望

容山 (山陰縣志) 去縣西南二十七里其上平曠可容故名

六峰山 (紹興府志) 在府城西南三十里有溪出山麓

峽山 (弘治紹興府志) 在縣西南二十里兩山相峙故名

項里山

(在縣西南二十里世傳項羽流寓于此)

絹山

(嘉靖山陰縣志)去縣西南六里石紋如疊絹土人呼曰絹山

法華山

(嘉泰會稽志)在縣西南三十五里舊經云晉義熙中僧曇翼誦法華經

感普賢應現因置寺

花徑山

(山陰縣志)去縣西南二十五里多桃李榆柳望若雲錦包絡山谷故名

直步山

(紹興府志)與花徑山相近下有溪入鏡湖

木客山

(山陰縣志)去縣西南二十七里吳王好宮室越王使木工三千餘人入

山伐木一年無所得木工思歸而歌木客之吟一夜天生神木其大二十圍其

長五十尋陽為文梓陰為榿楠乃伐而獻之

蘭渚山

(紹興府志)在縣南二十七里晉王右軍修禊序云此地有崇山峻

嶺蓋謂此山也

玉架山

俗呼筆架山

(嘉泰會稽志)在縣西南三十里三峰如筆格秀麗可画

大巖山

(紹興府志)在府城西南一百十五里山形若冕旒又名冕旒山宋時宮

闕在錢塘者與山相對

清化山

(弘治紹興府志)在縣西南一百一十里

趙王夫山

(舊浙江通志)在府城西南一百二十里

浮邱山

(弘治紹興府志)在縣西南一百一十里世傳浮邱煉丹于此

離渚山

(紹興府志)在縣西南三十里內有謝尚書塢

柯山

(山陰縣志)在縣西南三十里山皆石其下有水曰柯水有石佛高十餘丈

嵩山

(舊浙江通志)在府城西南二十五里環山皆水

聖女山

(嘉泰會稽志)在縣西二十九里

三山

(在縣西九里與臥龍岡勢相連)

鳳凰山

(弘治紹興府志)在縣西五十五里

牛頭山

(山陰縣志)去縣西六十五里唐天寶間改名臨江山

羊石山

(舊浙江通志)在府城西北三十六里有石如羊故名

馬鞍山

(弘治紹興府志)在縣西北四十里狀如馬鞍唐天寶間改名人安

後漢書卷之九十四傳注張滿
文士傳云昔昔人曰昔經會稽
稽高遠亭見屋椽竹東閣
第十六可以為節取用更有
果戶伏流長宿賦序之柯亭
之觀以竹為椽豈取為節寺
名獨地柯山得名以此載五府
志道之

禹會諸侯于塗山施福以
為帝在會稽之績以為帝
在壽春施福之言為是而
引據未詳考吳越春秋云
禹山禹改為會稽苗即茅
山又之塗山則塗山即會稽
山為禹敷神之所見文
記孔子世家注云守川之
祀者為神謂諸侯也以吳
越春秋史記注之塗山當
在會稽但不應于山陰別
出一塗山或後人傳訛耳若
明戴冠府志以左傳南望
三塗為塗山則杜注明云太
行環棘清澗謂之三塗未嘗
確指山名非實據也

上方山 (舊浙江通志) 在府城西北四十里與下方山相連有下方寺

塗山 (嘉泰會稽志) 在縣西北四十五里舊經云禹會萬國之所按史記國語禹

會諸侯于會稽防風氏後至誅之書曰禹娶于塗山注塗山國名左傳禹會諸

侯于塗山杜預注在壽春說者云今濠州也蘇鷄演義云塗山有四一會稽二

渝州巴南舊江州三濠州四當塗縣自越絕等書皆云禹娶于會稽塗山其說

不經蓋禹會諸侯于會稽則信而有徵至娶婦處則好事者傳會于此非其實

也
西余山 (於越新編) 在府城西北四十二里一名西辰謂禹負辰朝諸侯處

碧山 (弘治紹興府志) 在縣西北五十里山有碧石故名

烏風山 (紹興府志) 在縣西北五十里濱于海有洞出烏風一名龜山當潮生時

達望之宛然如龜出沒水中今名白洋山

蜀阜山 (泰嘉會稽志) 在縣北三十五里舊經云山自蜀飛來帶兒婦二十餘人

善織美錦自言家在西蜀十道志云句踐以寡婦居此令軍人游焉一名獨婦

山 (越絕書) 句踐將伐吳從寡婦致
山上以為死士示得專一也

梅里尖山 (舊浙江通志) 在縣北二十里(嘉泰會稽志) 其陰為梅仙塢以梅福里

得名

巫山 (嘉泰會稽志) 在縣北十八里越絕書云越魍神之官死莫其土(嘉靖浙江

通志) 一名梅山漢梅福居此

下馬山 (山陰縣志) 去縣北二十五里舊經云秦始皇東巡息駕于此有石如蟾

亦名蟾山俗名蝦蟆山多露石兩崖夾水石骨橫亘水底曰石檻

璜山 (弘治紹興府志) 在縣北三十里滙小江勢小而環抱若璜故名

大峰山 (紹興府志) 在府城北三十五里多植白花黃柑黃實多砢石有洞為石

投之冷然有風曰風洞

玉山 (嘉泰會稽志) 在縣北三十三里舊經云唐貞元二年浙東觀察使皇甫政

鑿此山為斗門八開洩水入江按唐書地理志山陰縣北三十里有越玉山堰

皇甫政鑿山以蓄洩水利與舊經相合即此

石城山 (一) 在縣東北三十里吳越協史乾寧三年錢鏐討董昌改石城去越三十里即此

古博嶺 (舊浙江通志) 在府城西南四十五里犀峰交峙中有一徑南達楓橋至

諸暨界曠寂稀人烟往來虎豹栖止俗訛為虎博嶺

香怕嶺 (嘉靖山陰縣志) 在縣西南八十里其路峻險行者皆懼

白峰嶺 (弘治紹興府志) 在縣西南一百十里

刑塘嶺 (一) 在縣西五十五里世傳禹築塘斬防風氏故名 (會稽風俗賦注)

賀循會稽記云防風氏其身三丈刑者不及乃築高塘刑之故曰刑塘

古城嶺 (萬曆紹興府志) 在府城西五十里越王允常築城處

大嶺 (一) 在府城西六十五里一名梅山嶺

越王嶂 (一) 在府城西南九十里越王句踐于此棲兵又名棲山

仙人洞 (霏雪錄) 在山陰縣西北六十里越棲峰下乃宋九江葛秋巖慶龍游息

之所王君理得函骨于石洞至今辨葛仙洞

磨鏡石 (弘治紹興府志) 在鏡湖邊任昉述異記世傳軒轅氏鑄鏡于此今石尚

存

西小江 (山陰縣志) 在縣西北四十五里其源在諸暨之浣江分為二派初出天

樂徑流蕭山轉東北達于海天順元年太守彭誼建白馬山閘以通三江口之

潮開東盡漲為田于是江水不通于海矣 (互見水利)

錢清江 (萬曆紹興府志) 府城西五十里浦陽江下流漢劉罷投錢處今通為運

河

鏡湖 (名勝志) 在城南三里一名鑑湖任昉述異記軒轅氏鑄鏡湖邊或云黃帝

獲寶鏡于此又云本王羲之語山陰路上行如在鏡中游又名長湖水經注云

浙江又東北得長湖口湖廣東西百三十里北瀉長江又名太湖郡國志云石

帆山北臨太湖水深不測傳與海通源出會稽之五雲鄉綿跨山會二縣周三

百五十八里總納二縣三十六源之水東至曹娥西至西小江南至山北至郡

城其初本通潮汐漢永和五年太守馬臻始築塘畜水界湖為二曰東湖曰南

湖南湖屬山陰東湖屬會稽唐元宗賜秘書監賀知章鑑湖一曲又名賀監湖
自宋熙寧以後湖漸廢為田今俗呼白塔洋僅長十五里即鏡湖處也互見水利
會稽續志本名慶湖賀鑄慶湖遺老集序云賀本慶氏吳王僚遇公子先之禍
王子慶忌奔衛妻子并度浙水陰會稽上越人哀之表其族曰慶氏名其田曰
慶湖今為鏡湖傳訛也漢安帝時避帝本生諱改賀氏
水亦孫賀家湖家牒載謝承會稽先賢傳叙畧如此

菱塘湖 (嘉靖山陰縣志)在縣西五十里湖多菱葑故名廣三千七百二十餘畝

近被侵佔為田水不甚蓄互見水利

黃鱈湖 (舊浙江通志)在府城北十五里

餘支溪 (名勝志)鏡湖之別派也水經注云山陰縣西南四十里有二谿東谿廣

丈九尺冬暖夏冷西谿廣三文五尺冬冷夏暖二谿北行三里至徐村合成一

谿廣五丈餘而溫涼不雜蓋山海經所謂茗水也

射浦 (越絕書)句踐教習兵處也去縣五里

查浦 (山陰縣志)在縣西一百里句踐陳兵處

紀家漚 (弘治紹興府志)在縣西南一百里



